



Орган Лемковского Союза.

Выходит в каждый четверг.

Редакция и администрация — Крыница. — Адрес „Лемко“ Крыница.

От редакции.

Штебы дати возможность взяти участь в льотерии як найбільшому числу наших подписчиков, отбыло ся лем частичне льосоване дня 15. вересня. В том льосованю вытягнуто льос ч. 1528. Владілець льоса ч. 1528 схоче подати свой адрес, або зголосити ся с льосом в редакции „Лемка“ в цілі отобраня **ВЫГРАНОИ КОРОВЫ.**

Дальше льосоване отбуде ся дня 6. жолтня 1934. До выграня сут ище 1 конь породы гуцульской, 1 пружина ва борона и 3 бараны-каракулы. Кто хоче взяти участь в том льосованю, нехай прише до 1. жолтня пренумерату за 1934. р. бо за участников льотерии уважат ся лем тех, котры уплатили цілу належитость за „Лемка“ и достали льосы. Кто не достал ище льоса, нехай сейчас зажадат от редакции высылки.

Побіда польских летчиков в авиационных заводах.

В неділю дня 16. вересня закончили ся урядженя в Варшаві международны заводы авиационны. В заводах приняли участь летчики многих европейских краев в числі 34. В заводах припали два перши місца польским летчикам, а именно капитану Баяну и Плончинскому. Побіда тота викликала в цілої державі великий энтузиазм. Со вшиткых держав Европы приходили до польского Аеро-клуба численны депеши с поздравленем для летчиков.

Совіты в Лигі Народов.

Россия одержала stále місце в раді Лиги Народов.

Дня 19. IX. собрали ся члены Лиги Народов для принятия С.С.С.Р. Члены делегации советской приехали уж до Геневи. Перед готельом, в котром живе делегация советская и перед сальом собрания собралась толпа народа.

Открываючи собрание председатель Сандлер

уділил голос председателюв комисии политической, котрый закомуниковав собраню проект резолюции рішений через комисию, штебы принять С.С.С.Р. до Лиги Народов.

Приступлено до голосованя и за принятием голосовало 39 членов, а против 3. (Португалия, Швайцария и Голяндия). Погодивше отбыло ся голосоване над установлением сталого місца для С.С.С.Р. в раді Лиги Народов. На 50 голосующих 10 воздержало ся от голосованя, а 40 голосовало за назначенем С.С.С.Р. сталого місца.

Потом председатель комисии верификационной закомуниковав, што от имени С.С.С.Р. будут засідати в Лигі Народов комисар для закордонных діл, Максим Литвинов, амбасадор в Римі, Володимір Потемкин и Борис Штайн.

Литвинов вошел на собрание и занял місце межде делегатом Польши и делегатом Японии. По привитаню через министра Бенеша забрал голос Литвинов и заявил, што Россия буде старати ся все утримати со вшиткыма дружескы и льояльны отношеня.

Швайцария выступит с Лиги Народов.

В кругах Лиги Народов упорно ходят слухы о том, же Швайцария выступит с Лиги. В таком случае Лига Народов сходила бы ся на собрания не в Геневи, але во Відни.

Штрайк в Америкі.

Штрайк, котрый уж в еден час ослаб, приберат в ostatnich днях острійму форму. Проводыр штрайка Горман заявил, што до штрайка прилучит ся ище 100.000 работников. На улицах доходит до боев межде работниками и полициом. Были случаи, же полиция уживала бомбы газовы и сикавки в цілі розогнаня работничих толп. В розрухах, вызванных через штрайкуючих работников, убито 13 люда, а чнело раненых ест значне. В ostatnich часах председатель союза работников ткацких заявил, што може приступити до переговоров в ділі ликвидации штрайка.

Обозы изоляцийны в Америкі для штрайкуючих работников.

Отділення народной гвардии приступили до масовых арестов работников, котры стоят перед фабрыками и не хотят впустити работников не приступивших до штрайку. Будуют отдільны обозы, в котрых маот помістити вшиткых арестованных в связи со штрайком.

Угроза штрайку копальняных работников в Англии.

Работники копальнь угля поставили требование, штебы им признати плату в высоті платы с 1931 року и выповіли роботу в копальнях от 1. жолтня, если до того часу властители копальнь не пристанут на их требования. В той справі отбыла ся конференция межде делегатами властителей копальнь и делегатами работников, котра однак розышла ся с ничим. Новой конференции не назначено. За ходом движеня слідят в Англии с великим непокойом, бо боят ся, же в елучаю начатя штрайку через копальняных работников угольных, може он росширить ся на други копальни и фабрыки, бо тоты работники ехотят помочи штрайкуючим угольнокопным работникам.

Освобожено 30 люда с Картуз-Березы.

Дня 20. вересня освобожено 30 люда, належащих до польской партии народной с обобла отособнения в Картуз-Березі. Были они арестованы перед дньом 18. червня т. р. ф. с. перед выданем декрета Президента Річипосполитой в ділі изоляцийных обозов. От того часу минуло уж 3 місяцы и тому их выпуск. Тоту группу выпущено партиями в середу и четверг минувшой неділі.

ПОМІЩАЙТЕ
ОГЛОШЕННЯ
В ГАЗЕТІ „ЛЕМКО“.

Обміна нотами медже Польщом и Совітами.

В звязи с прийнятем Совітов до Лиги Народов, наступила на желане польского правительства обміна нот медже Польщом и Совітами. В нотах тых обі сторони признают, што и в будучности обовязуют их давнійши договори, а особливо договор о ненападаню и конвенция о определёню нападающей стороны.

Лига Народов и Далекый Восток.

Московскы газеты пишут, же вступлене Совітов до Лиги Народов етане ся причиною устраниня опасности войны на Далеком Деході.

Ци можна сіяти штучны навозы в осени.

Помимо низких цін земных плодов употреблене штучных навозов може оплачати ся, але лем втотчас, коли сієме их в отвѣтном часі и такы навозы, котрых земля потребує. Особенно треба уважати на тото при землях легких, где плоды сут зависимы в высокой степени от сылы навоженя, бо то сут землі бідны, хоц легкы до управы. Случат ся барз часто, же сут то землі занадто сухы, а навозы штучны лем роспущены в воді, можуть быти побраны и належито використаны через ростины. В виду того часто случат ся, особенно, коли весна ест суха, (як н. пр. того року) што навозы штучны, высіяны на весну под ярину не діяствовали совсім и урожай был планний.

Якже має поступати газда, штобы предохранити ся перед такыма прикрыма несподіванками.

Отдавна уж навозы потасовы и фосфоровы сіяно в осени и приорювано. Не сіяно лем в осени азотовых навозов, бо бояно ся вылугованя. Остатни дослѣды выказали, што тоты обавы сут безосновательны, лем належит уживати навозы, котры не скоро роскладают ся. До такых навозов с азотовых належит азотных, с потасовых-кайнит, а с фосфоровых—супертомаасына. Азотняк треба по розсѣві приборонити, штобы накрыти его легко земльом. Пояснят ся тото тым, што под вліянем осенной и вимовой вохкости азот перейде до глубших веротв, где земля ест достатечно вохка и може быти використаный через корені ростин. Лишений на верха в сухой верстві не роспущат ся и може быти цілковито страчений.

Товар добрый має високу ціну.

Часто слышит ся о стандаризации товару и великом ей значеню в заграничной торговлі, не каждый однак знає, што належит под тым словом розуміти.

Штобы пояснити тото, наведу килька приміров. Знаєме ест, же фабрика вырабат не оден, а килька гатунков якогоси товару, але каждый гатунок ест той самой вагы и розміров и ест зроблений с того самого материяла. Фабрика плугов вырабат килька моделей, означенны номерами, але вшитны плугы в тым

самым номером сут совсім одинаковы и части одного плуга можна легко допасовати до другого. Такой товар называт ся стандаризованный и выстарчит подати номер, а фабрика пришло нам тото, чого жадаме.

В рольництві мало слышит ся у нас о стандаризации и через тото нераз наши газдове мають страту. Не буду росписовати ся о стандаризаций зерна, бо того наши газдове в горах мало, або и нич не продают, але упомяну о тых товарах, котры продукують наши господарства. До такых зачисляме яйца. Наши газдыні продают их по одинаковой ціні вшиткы, якы мають, великы и малы, брудны и чисты о ріжном забарвленю шкарлупы.

Такых яиц за границом никто не купит. Тому то купец платит за них низшу ціну, бо мусит их сортовати, то значит отдѣляти білы от желтых, великы от малых. До той работы нанимат он людей, котрым платит. Если бы газдыні сами тото робили, то доставали бы за свой товар ціну вышу, бо за 1 кг. яиц великих, желтых платит ся за границом значно больше, як за 1 кг. яиц малых. Штобы однак мати одинаковы яйца в цілом селі, а ище ліпше в цілом повіті, належит ховати оден гатунок кур и одинаково их кормити. Лем в таком случаю ціна яиц може ся поднести и господарство може приносити большы доходы. Тото само относит ся до хову гусей. За границу высылат ся вагонами гуся, але мусят они вшиткы мати означену вагу и одинаковый вигляд. Тому то треба также по селах старати ся о тото, штобы ховати в цілом селі одну породу гусей, бо лем втотчас поднесе ся их ціна, при том треба ховати гуся, ци куры такой породы, котру найохотнійше купуют чужды краи и найліпше за ню платят.

Барз дуже высылат ся с Польщи грибов сушеных и марынованых. Але и ту чужды краи берут лем товар найліпший, самы шапочки и ладно, ясно высушены. Штобы отже достати за грибы добру ціну, треба конечно робити вінцы грибов с самых молодых, білых и добре высушеных шапок, а гатунок горший продавати отдѣльно.

Стандаризация отже полягат на приготовленю товару цілковито одинакового, бо такой товар легче продати. Купец неохотно купує товар, с котрым має клопот, бо купуючи его дуже, не може сам его посортovati и за сортоване платит работникам. То являт ся причиною, же газдам платит низшу ціну. Отже для власного добра наши люды по селах, а особенно кооперативы повинны стреміти до того, штобы села приходили до стандаризованого товару, бо втотчас увеличат ся доходы сел.

Ціны насіня лены и конопель.

Перед килькома недѣлями заключено договор медже продуцентами олеистого насіня и промышленниками, на основаню котрого насіня ріпака має с горы означену ціну.

Тепер такой самый договор заключено относительно насіня лены и конопель. Тот договор повинен заинтересовати так наших людей, як также и наши кооперативы, ктры займут ся скупом насіня, бо договор тот предавиджує дяк кооператив, скупуючих насіне при партиях великих (вагоновых) 2 1/2% от ціны купна, а при партиях малых 6%. Выносит того при купні лены 1.60 до 2.55 злотого, при коноплях—0.80 до 1.92 зл. от 100 кг.

Ціна насіня лены выносит найменше 42 1/2 зл., а конопель 32 зл. Ест то ціна на теперешни часы высока и повинна она засхотати наших людей до сіяня больше тых ростин, особенно если розважит ся также тото обстоятельство, же и ціна волокна тых ростин поднесла ся в остатних часах в виду закупа льняных и конопляных виробов через войско, полицию, копальні соли и други институции.

При той случайности слідує выповісти желане, што было бы добре, если бы наши кооперативы, купуючи насіне лены и конопель, заявляи ся также на тых самых условиях скупом зерна. Отдали бы они велику прислугу нашим газдам, бо вырвали бы их с рук гандлярей и приблизили бы ціны зерна до цін биржовых.

Пасіка в вересні. Приготовити пчолы до зимованя.

В вересні закончило ся уж подберане меду и вшиткы работы в пасіці сут перерваны. Непотребне гребане в улю може оказати ся шкодливым и тому найліпше ест лишити пчолы самы собі. Належит однак и тепер заглянути до пасіки и приготовить пчолы до зимованя. Ніт потреби переносити пчолы до пивниц, або до нарочно будованых поміщень, бо пчолы зимуют барз добре под голым небом, на том самом місци, где улі стояли в літі, треба однак забезпечити их перад зимном. В той ціли треба прежде вшиткого старанно заткати и направити вшиткы шпары и дыры в улях. В літі такы отворы были аж и добры, бо пчолы выходили и входили нима до уля, але тепер треба их заліпити глином, або заткати клочом, або шматами. Вылеты поменьшати при слабых улях на 1 пчолу, а при сильных на 2. Тепер уж пчолы не мають поза вересом, котрый росте у нас всяди, жадного пожитка, тому широка вылеты сут непотребны, а сужене их хоронит пчолы перед нападками.

Добре ест верх рамок накрыти мішечком с січком або соломом. В той ціли шиє ся мішечки такой величины, штобы они добре прилігали и отуляли рамки с верха. Такы мішечки напыхаєме січком, або соломом. Штобы січка не сыпала ся помедже рамки и не занечищала их, треба на рамки положить ксвальчик полотна, а лем на полотно мішечки. Такы мішечкы сут для пчол корисны, бо в зимі хоронят перед зимном, а в літі перед спеком, можуть отже быти цілый рок в улях.

Кошт ест малый, бо в каждом дому найдя ся кавалок старого полотна и кус соломы, або січки, а работа оплачат ся, бо пчолы так забезпеченя зимуют добре.

Треба также уважати, штобы дашок был цілый и штобы до улей не затекало, бо с такого уля пчолы ся выносят.

НТО МОЖЕ ІХАТИ ДО НАНАДЫ.

Емиграцийный Синдыкат повідомлят, што до Канады можуть іхати слідуєчи категории эмигрантов:

- 1) Жены до своих мужей.
- 2) Діти до 18 року до своих родичей.
- 3) Невісты до женихов.

Вычислены высше лица мусят мати завозоване с Канады так званный „пермит“. В дакотрых случаях можуть достати канадийску визу также и дальши родственники, але лем

вотчас, коли достанут с Канады „пермит“.

До Канады могут вертати эмигранты, котры не жили поза границами Канады больше як 1 рок. Могут они взяти со собом жены и діти до 18 літ, але в таком случаю мусят мати по оплаченю коштов подорожи ище так звану суму показову, котра выносит для взрослых по 100 дол., а для дітей по 50 дол. от одного чоловіка.

СТРАШНА КАТАСТРОФА В ЯПОНИИ.

50 тысяч домов под водой. Дети присыпаны школьными будинками. Места отрезаны от света.

Дня 20. вересня навістил полудневу часть Японии страшный вітер (тайфун). Тайфун поперевертал масу домов, медже нима 35 будинков школьных, котры привалили своима мурами находячи ся в школі діти. На острові Ави морска вода заляла 2000 домов и много народа стратило жите. В других місцевостях тайфун выл с таким самым силом и як обчисляют число вшитких домов, котры заляла вода, доходит до 50.000. Перевернул он также 10 поїздов, котры сошмарены с полотно, порозбивали ся, убиваючи моц народа. Наибольши шкоды поробил он в Осака и Кобе. В самом Токио шкоды сут незначны. Таксамо незначны сут шкоды на океанах, бо станции метеорологичны остерегли кораблі. Але и так затопили ся 4 кораблі.

Страшна експлозия в копальні в Англии

Дня 22. вересня мал місце в копальні Бресфорд в Англии страшный выбух, от котрого запалили ся шибы. В копальні находило ся вотчас 400 работников, а с них 156 в горючій части копальні. Акция ратункова ест затруднена через огонь. Предпринято над людскы усилия, штобы загасити, а по крайной мірі зльокализовахи пожар. Выратовано 5 работников, котры сут тяжко ранены и 16 трупов. Вокруг копальні стоят толпы людей, родственников находячих ся под землем работников. Со вшитких сусідных місцевостей приїхали амбулянсы и пожарны стороны.

Арештоване посла Идзиковского и заступника дыректора департамента в министерстві скарбу Михальского.

Дня 21. вересня рапо на приказ прокуратора окружного суда в Варшаві, арештовано посла Едварда Идзиковского и заступника дыректора департамента в Министерстві Скарбу Павла Михальского.

Павла Михальского арештовано за бране и вымушане взятков, а Идзиковского за посредничество в том преступленю.

Подробности держаны сут в тайні.

Слідство в ділі убийства министра Перацкого буде уж скоро укончене.

Слідство в ділі убийства мин. Перацкого добігат до конца. Слідство того было ведене через нарочно-покликану бригаду, аложену с найспособнійших офицеров слідчих и прокураторов. Тепер полагаджуют дополнительные действия и скоро прокуратор выготovit акт обжалованя.

Ест возможно, же процес начне ся уж на початку слідующого року.

Дыхавица у коней

Барз частом хворотом у коней ест дыхавица, котра ест послідством роздутя легочных пузырьков. Штобы распознати дыхавицу, треба коня погнати добрым трапом через 5 минут, а потом приглядати ся его отдыхови. Дыхавичный конь мае отдых коротший от здорового и при том робит сильно боками. Такой конь мае брюх подтягненьи и рідко кладе ся. При тяжкой роботі дае чути ся харчане и свист в горлі. Если хворота ест сильно розвинена, то конь отдыхат с трудом, при том росширяют ноздря и кашле.

Понеже дыхавица ест хворотом невылічимом, прото при купні треба звертати сильно на то увагу, бо гандляры уміют дыхавицу скривати. Правда, купно коня дыхавичного ест неважне, але лише не наражати ся на клопоты. Штобы на торзі распознати дыхавицу, треба коня в одну сторону перепроводити кроком, а потом с поворотом трапом, (гандляры робят того наоборот, штобы дати час коньови отдыхнути) а потом приглядати ся уважно отдыхови.

Ветерынары радят на початку хвороты давати дыхавичному коньови в продолженю килькох неділь по пол ложочки спорыша, чим можна часом вылічити дыхавицу, або не допустити до дальшого ей розвитку. Помимо того, дыхавица ест уважана за хвороту невылічиму. При легкой роботі дыхавичный конь може жити долго, але треба его мало поити и кормити легкостравном пашом, як морков и зелена паша. При тяжких роботах дыхавичный конь нищит ся скоро и гине в послідство паралича легких.

Поміщайте оголошеня в газеті «Лемко».

Кто хце прислужитися нашой газеті нехай зберат оголошеня с міст и сел повітов Леско, Сянок, Кросно, Ясло, Горлицы и Новый Санч.

ЛЕМКОВСКА СПІВАНКА.

Горы наши милы,
Горы наши славны,
Где вы ся поділи
Мои часы давны?

Як воды до моря,
С наших гор поплыли,
Так ся мои часы
Скоренько минули.

Горы положисты,
Поляны зелены,
Выглядате, як бы
Плюшом выстелены

Добре ся на горах
Поляночки косят,
Кед ладны дівчатка
Добре істи носят

Заросли мі травом
Уж давны стежечки,
Кади я преганял
С мом милым увечкы.

Тепер уж не зайлу
Ку тому бучкови,
Где ем косу клепаю
Своему сыночку.

Гукала бым собі
Под зеленым гайом,
Где ем ся споткала
С молодым шугайом.

С тамтой страны вільшин
Иде мой наймильший,
Несе мі на горсет
Што квіток, та инший

Где тотта увечка,
Што перед водила?
Пошла до убочи
Скала ю забила,

В том лісі зеленом
Роснут там ягоды,
Ходят на них часто
Дівчата молоды.

П. Греняк, Крыница.

Розумоване пияка.

Гриц Закорчменый верт т в ночи пьяный до дому. Вітер зрывает ему с головы капелюх, котрый падат на землю. Пьяный Гриц пристанул, задумал ся и сказал: „Если бы я тебе мой капелюшкику поднял, то я бы упал, а як я упаду, то ты мене не подоймеш. Тому бывай здоров и леж собі ту до судного дня“, и пошол дальше без капелюха.

Найліпши условия асекурацийны

да с

Асек. Товариство
ВИТА-КРАКОВСКЕ
во Львові.



Оно спомагат также наши товариства.

Информации уділят редакция „Лемко“.



ХРИСТИЯНСКА ЛЮБОВ УКРАИНСКИХ СВЯЩЕННИКОВ.

Вшитки знаме о том, же наш щина находит ся тепер в оплаканом стані, бо великы дощи монилили всю: зерно, ярину, картоплі и луки. Если бы не помоч посторонних, котра змягчат кус тоту біду, был бы у нас великий голод. Але тото поволі загоит ся, бо старі люди повідають, же ювілейны роки все недобры. Если то правда, то в том року, по крайней мірі терпиме за свое, бо обходиме 20 літний ювілей страдания и мук нашего руского народа в Талергоф и по других тюрмах, віселицах и розстрілах через варварску, розлетівшу ся Австрию и ей воспытанников-украинцов. Тым вшитким нашим мученикам мы того року отдаеме честь через устроиване талергофских торжеств, памятников в виді талергофских крестов, в ріжних закутинах нашої Лемковщины в Сквиртном, Чорном и т. д.

Тото злостит украинцов, а егомось с Гладышова кричал аж и в церкви, же люды ходят чогоси там по Сквиртном, Чорном и инде, хоц там отпуста ніт. И не знате вы егомось, по што там люды идут? Они идут там глядави спокою для своих сердец и души, идут глядати того лікаря, котрый бы загоил раны, заданы нашому народу через измінников и мучителей, бо руска душа глядат спокою нем у своих русских священников и русской интеллигенции. У украинских священников не найде никто спокою для своей души и тому иде до Сквиртного и Чорного, а ваши политичны бесіды в церкви не отженут от того руского чоловіка, а а скорше там нажнут. Вы егомось нападаете в церкви на наши рускы газеты, Лемка, Землю и Волю, на нашу руску твердыню, котра стереже нашего руского имени и научат, як жити и господарити. Вы розголошуете в церкви и черните тоты газеты, же они не добры и же их читати не треба. Егомось, та то газеты наши рускы, наша душа, наша утіха, котра вам заваджат, бо боронит нас перед вами-украинцами, што си зубы ламлете на наших газетех. Егомось, тоты газеты будеме читати, бо они перешли цензуру. Вы си смотте в церкви, а не политикы, смотте слова Божого, своей церкви, котра выглядят так, же аж ганьба повісти, своих будынков парохияльных, и даход, через котры ліе ся вода.

Вас злостит на Лемковщині руский дух, и тоты талергофскы торжества, же ся часто всяди по селах отбывают, вас злостит тото, же в нашем селі распочала ся будова читальняного дома им. Качковского, вас злостит вшитко, што руске. И по штож вы сидите серер русских, чом не заберате ся гет на Украину? Идите собі от нас, бо доброго нич сте не зробили. Церкви сте не побудовали, люды рускы перестали до церкви ходити, бо не хотят слухати вашей политичной науки от котрой болит сердце, же такы пастыры Христовы настали, котры ненавидят всю што руске: газеты книжки, д читальні не ходите, ани нам в будові помочи не хочете, хоц просил вас о пару дерев предсідатель, то по што у нас сидите? Ци вы може так розуміете слова Божи: «Возлюби ближнего»... и «Кто пукає, отворит ся ему», штобы никому ничем не помочи и всіх ненавидіти?

Мы рускы лемкы терпиме барз тепер от нашего клира. Прирекають нам руского епископа с Рима, але не можеме ся его дождати. Наша интеллигенция мусит доложити всіх старань, штобы тота справа была як найскорше полагоджена, жебы мы ся вырвали чим скорше с рук священников-украинцов и штобы мы мали свою руску епархию и рускых священников, бо в противном случаю повернеме ся в другу сторону и не будеме озерати ся на никого. А тепер ты наша руска лемковска интеллигенция и сознательны рускы люды, помогте нам в Гладышові построи читальняный дом, котрый уж ся буде власными силами по-

мимо врагов, котры старають ся шкодити нам ріжними байками и сказками в цілі уменьшения жертвенности так материяльной, грошевой, як и моральной.

Гладышов, дня 19/9, 1934.

Сторож правды.

Дві неділі безвзглядного ареста и 50 зл. кары грошевой достал О. Качмар со злоцкого за слова обиды, выповіджени а церкви на проповіді против школы к Читальні им. Качковского в Злочком.

ПИСМО В ДІЛІ ОКРУЖНОГО СУДА В СЯНОЦІ.

Дня 21. вересня достал предсідатель Лемковского Союза писмо в ділі окружного суда в Сяноці, котре помішат ся в переводі без змін:

Староста повітовый Ново-сандецкий. Ч. Б. I/IX.1a/34. Новый Санч, дня 20. вересня 1934. Меморіал в ділі знесеня суда в Сяноку, До Г-на Д-ра О. Гнатышака, адвоката в Крыниці-Здрою. На основаню зарядженя Воеводского Уряда с дня 17/т. м. Н-р Б. 24/14/34. и в звязи с интервенциом делегации «Лемко-Союза» в Варшаві под вапим предсідательством, повідемлям Вас, што в Сяноці лишит ся т. зв. «замісцевый Выділ Окружного Суда» для діл цивильных и карных.

Подписанный Староста.



Найліпше и найдешевше

може каждый фурман заосмотрити ся в потребный для себе товар як овес, сіно, січку смары, подковы клипші в своей русской „Фурманской Кооперативі“, котра находит ся в Крыниці Здрою в домі г. Назара Громосаяка коло різні.

В рочницу смерти Сандовичей.

Дня 28. вересня припадат смутна рочница мученической смерти ліпшого Сына Руси бл. п. О. Петра Сандовича, пароха в Брунирах и его сына Антония, професора. Оба они погыбли мученической смертю на осмованю ложного свидѣтства украинцов. Оба принесли свою жизнь в жертву за имя св. Руси.

Штобы преклонити наши головы перед п. ахом мучеников, отслужит ся

В НЕДІЛЮ, ДНЯ 30. ВЕРЕСНЯ 1934. Р. О ГОД. 11. В БУНАРАХ НИЖНИХ панихида за души погыбших и посвячене креста в их память.

По богослуженю выбере ся комитет, котрый займе ся збором пожертвовань на перенесенє мощей с Нового-Саача до Брунар и на поставлене памятника.

В тот день ест обовязком вшитких русских людей явити ся в Брунарах и помолити ся за души вшитких, погыбших в часі світовой войны.

КРЫНИЦА-ЗДРОЙ:

Пенсионаты вилла „Карпатска“ и Злота Брама“ положены в центрум, коло дептака. Текуча зимна и тепла вода. Веранды. Добра кухня, на требоване диететична. Ціны низкы.

Кто хоче штобы

в календарі „Лемка“ на 1935 р.

было поміщено дашто о его селі, нехай скоро присылат материял а также фотографии. Редакция просит присылать также лемковскы пісні, описи звичаев, обрядов, оповіданя и жарты.

Выбор Мис-Лемкыни и найкрасшого Лемка!

В субботу, дня 6. жолтня 1934. о год. 7. вечером устроє Лемко-Союз в Поворознику в домі Чит. им М. Качк. вселемковску, велику забаву с танцами и ріжличными милома несподіванками, а также выбор мис-Лемкыни и найкрасшого Лемка на 1934 р. В БРАНА ПАРА ДОСТАНЕ КОРОНЫ И ЛЕНТЫ С НАПИСАМИ.

Обовязуют народны сторои для дівчат и для хлопцов в міру возможности.

Села и читальні присылайте своих красавиц и красавцов! Снимки выбраной пары будут рососланы вшитким газетам руским, краєвым и американским.

Буфет заосмотреный добре! меринді не потреба! Ночлегы даром але треба их замовити перше писемно в редакции „Лемка“. Желізнодорожна станция в місци.

Вход 99 гр.